



月令粹編卷九

五月日次

初一日

任文公占術

後漢書任文公傳爲治中從事時大旱白刺

備刺史不聽文公獨儲大船百姓或聞頗有爲防者到

其日旱烈文公急命促載使白刺史刺史笑之日將中

天北雲起須臾大雨至舖時湧水湧起

十餘丈突壞廬舍文公遂以占術馳名

龍池聖德頌

唐會要開元二十三年五月一日宗子請率

端一

乾淳歲時記端午先期學士院供帖子

禁水

南海古蹟記盧循故城在番禺城南小洲俗採魚蠺



設網

罟

牡丹詩

玉海淳熙元年五月一日御書唐元稹牡丹詩以賜吳琚

東方朔生

廣博物志張少平妻田氏少平卒後累年寡居忽夢一人自天而下因而懷孕乃曰無夫而孕

人聞棄我也徙於代依東方朔旦生一子以其居代東方朔名之東方朔

女兒節

帝京景物略五月一日至五日家家如飾小閨女簪以榴花曰女兒節

端午泉

名勝志五華山在德化縣西唐咸通間無晦禪師結菴於此鑿石為室與虎同居又有端午泉亦禪

師所鑿每五月之朔泉水溢至欄凡五日為度

平仲節昇仙

神仙傳括蒼山有學道者平仲節河中人受師宋君存心鏡之道具自神行洞房事如此

積四十五年中精思身形更少體有真氣永和元年五月一日中央黃老遣迎即日乘雲駕龍白日昇仙今在

滄浪
雲臺

初二日

南薰門觀稼

宋史禮志太平興國九年五月二日出南薰門觀稼召從官列坐田中令民刈麥咸賜以

錢帛

渝水浮光

宦游紀聞宏治辛酉仲夏二日夜分古渝城上忽白光映天見者驚異爭起視之但見渝水明

耀浮光燭天而已次早驗之宛如豆汁逾三日始澄澈

初三日

虎迎受法

異苑元嘉四年五月三日會稽餘姚錢祐夜出屋後爲虎所取至一宮府見一人憑几而坐左

右侍者三十餘人謂曰吾欲使汝知術數之法故令虎迎汝汝無懼也畱十五晝夜語諸要術盡教道之方祐

受法畢使遣令還既得還
家大知卜占無幽不驗

扇市

秦中歲時記端午前二日東市謂之扇市車馬於時特盛

赤雀巢門

唐會要武德八年五月三日赤雀巢於殿門宴五品以上上頌者千餘人

賜魚袋

唐會要咸亨三年五月三日始令京官四品職事五品佩銀魚是日內出魚袋徧賜之

詣選德殿

玉海淳熙二年五月三日詔執政每日入東華門詣選德殿奏事

天竺現

佛經五月三日南無天竺藏王慶信觀世音菩薩示現

初四日

上五代志

唐會要顯慶元年五月四日史官修齊梁陳周隋五代志三十卷太尉無忌進之

賜緋魚

玉海紹興七年五月四日尹焞入見講衛靈公末章遂給筆札校論語以進稱旨賜緋魚

閣門帖子

歲時雜記學士院端午前一日撰皇帝皇后夫人閣門帖子送後苑用羅帛製造及期進入

麻姑洞開

名勝志新都縣西南十五里繁陽山中有麻姑洞光化二年五月四日山土摧落洞門自開時

人咸云洞開即年豐物賤後果遠近豐稔

重四節

溫州府志平陽江南五月四日做節謂之重四節

初五日

田文生

史記孟嘗君傳田嬰子文以五月五日生嬰告其母曰勿舉也其母竊舉生之及長嬰曰五月子長

與戶齊將不利其父母文曰人生受命於天乎將受命於戶耶嬰默然文曰必受命於天君何憂焉必受命於

戶則高其戶耳誰能至者嬰曰子休矣

水紋袴

漢書章帝嘗以午日賜百官水紋綾袴

孝女曹娥

後漢書列女傳孝女曹娥者會稽上虞人父盱

濤迎婆娑神溺死娥年十四乃沿

江號哭晝夜不絕聲等遂投江

王鎮惡生

宋書王鎮惡傳鎮惡以五月五日生家人以俗

孟嘗君惡日生而相齊是兒亦

將興吾門矣故名之爲鎮惡

玳瑁釵

隋書大業二年五月

鬪力戲

隋書地理志京口東通吳會南接江湖西連都邑

鬪力之戲各料強弱相敵事類講武

飛白鸞鳳字

唐書太宗於五月五日以飛白鸞鳳等扇子

今朕各遺卿扇二枚庶動清風以增美德

賜紫服金魚

唐書李元絃傳五月五日明皇宴武成殿賜羣臣襲衣特以紫服金魚錫元絃及蕭嵩羣

臣無與比

崔信明生

唐書崔信明傳信明之生五月五日日方中有

火主離離為文日中文之盛也崔五色而鳴此兒將以文顯然崔類微位殆不高耶及長疆記美文章貞觀六年有詔即家拜興勢丞遷秦川令

太原高會

宋史劉繼元傳初太宗征繼元行次澶淵有太僕寺丞朱捷者掌出納行在軍儲太宗見其姓

名喜以為師必有捷之兆及將至太原太宗遣語攻城諸將曰我以端午日當置酒高會於太原城中至癸未繼元降乃五月五日也

艾綿衣

遼史禮志五月重午日午時採艾葉和綿著衣七事以奉天子北南臣僚各賜三事

賜壽縷

遼史禮志重午臣僚昧爽赴御帳皇帝繫長壽綵

賜壽

縷

射柳

金史大定三年五月乙未以重五幸廣樂園射柳勝者賜物有差

擊毬

金史重五御常武殿賜宴擊毬

赤靈符

抱朴子午日朱書赤靈符著心前以辟兵疫百病

教鴈語

荆楚歲時記五月五日取鴈鴈教之語注此月

鬪百草

荆楚歲時記五月五日四民並踏百草又有鬪百草之戲

五綵絲

荆楚歲時記五月五日以五綵絲繫臂名曰辟兵一名長命縷一名條達

擊蠅豆

四民月令五月五日取蠅虎杵碎拌豆自踴躍可以擊蠅

肉芝

陸機要覽萬年蟾蜍頭上有角領下有丹書八字名曰肉芝以五月五日取陰乾以其足畫地卽流水帶

之於身
能辟兵

王鳳生

西京雜記王鳳以五月五日生其父欲不舉其叔父曰昔田文以此日生後爲孟嘗君以古事推之

非不祥也
遂舉之

江心鏡

鏡龍記天寶三載揚州進水心鏡一面縱橫九寸青瑩耀日背有盤龍進鏡官李守泰曰鑄鏡時有

老人自稱姓龍名護謂鏡匠呂暉曰老人在爐前獲一素書云遂入爐所局戶三日後開戶失所在爐前獲一素書云

盤龍盤龍隱於鏡中分時有象變化無窮興雲吐霧行雨生風呂暉遂移爐於揚子江心以五月五日午時鑄

之帝詔有司掌此鏡七載大旱召葉法善祠鏡龍忽龍口有白氣須臾滿殿甘雨如澍

射粉團

開天遺事宮中每端午造粉團角黍貯金盤中以小角造弓子架箭射盤中粉團中者得食蓋粉團

滑膩而難射也
都中盛行此戲

五時圖花

酉陽雜俎北朝婦人五日進
五時圖花上

竹節水

金門歲節記重午日午時有雨則急砍一竹竹節
中必有神水瀝取和獺肝為丸治心塊腹聚等病

刻菖蒲

歲時雜記端午刻菖蒲為小
人子或葫蘆形帶之辟邪

九子糉

歲時雜記端午糉子名品甚多形制不一有
角糉錐糉菱糉筒糉杵糉又有九子糉

滴粉團

歲時雜記端午作水團又名白團或糴香又有乾團
花果之狀最精者名滴粉團

不入水者

畫塑天師

歲時雜記端午都人畫天師像以賣又作泥
塑張天師以艾為鬚以蒜為拳置於門上

艾虎

歲時雜記端午以艾為虎形至有如黑
豆大者或剪綵為小虎黏艾葉以戴之

棟葉粳

續齊諧記屈原五月五日投汨羅水楚人哀之至此日以竹筒子貯米投水以祭之漢建武中長沙

區曲忽見一士人自云三閭大夫謂曲曰聞君當見祭甚善常年爲蛟龍所竊今若有惠當以棟葉塞其上以綵絲纏之此二物蛟龍所憚曲依其言今

奉聖巾

中華古今注開元中宮人披帛謂之奉聖巾一曰續壽巾續聖巾

于闐取玉

西域記于闐國有玉池每以端午日王親往取玉自王以下至庶人皆取之每取一圓玉以一

圓石投之

如意圓

食譜張手美家五日如意圓

分賜節物

乾淳歲時記端午分賜后妃諸闔大璫近侍翠葉五色葵榴金絲翠扇真珠百索釵符經筒香

囊軟香龍涎佩帶及紫練白葛紅蕉之類大臣貴邸均被細葛香羅蒲絲艾朵彩團巧糴之賜而貴邸節物大

率效尤焉

花花扇

唐宋遺紀都人五日爭造花
花巧扇百索文花銀樣鼓兒

豆娘

凡以繪綃剪製艾葉或攢繡仙佛八寶羣花之類加

以幡幢寶蓋色色逼真
名曰豆娘不可勝記

張萬回

六年五月五日有兄萬年久征遼左相去萬里

母程氏思其音信公早
晨而往至暮持書而回

馬走解

其制一人騎馬執旗引於前二人馳馬繼出呈

藝於馬上或上或下或左或右騰躑躅捷人馬相得如
此者數百騎後乃爲臂鷹走犬圍獵狀終場俗名曰走
解每歲一舉之
蓋以訓武也

取蟾酥

帝京景物略端午日太醫院官旗物鼓吹赴南海

射葉上以教人

目不令傷也

念佛巖

方輿勝覽雍之洋縣念佛巖下有潭如

鍊剛造劍

雲笈七籤天台道士劉方瀛師事老君精修介

縣令劉翹按天師劍法以五月五日就弋陽

初六日

移光順門

玉海開元十六年五月六日同昌公主出降有

張烜右拾遺李銳等連名上疏曰紫宸殿者漢之前殿

周之路寢陛下所以負黼宸正黃屋饗萬國朝諸侯人
臣至敬之所猶元極可見不可得而升也
上納其言乃移於光順門外設次行禮

幸迎春院

玉海乾德四年五月六日幸迎春院

觀麥

玉海熙寧三年五月六日御觀稼殿召輔臣觀麥

天花

寧波府志正統元年五月六日午時天花如雨飛滿庭中其形若米其色如玉積深尺餘七日始化

初七日

賜冠

唐會要貞觀八年五月七日太宗初服翼善冠賜貴臣進德冠

鳳凰見

燕翼貽謀錄景德元年五月七日白州有鳳凰三自南入城衆禽周遶至萬歲寺前棲高木上身如

龍長九尺高五尺其文五色

冠如金盞州遂畫圖來獻

造雅樂

玉海景祐二年五月七日李照言新鐘磬將成若絲竹笙竽止依舊制則音韻難和請併造雅樂八

音新器以備獻饗從之

對選德殿

玉海乾道三年五月七日召僧若訥對選德殿

初八日

突厥祭神

隋書西域傳西突厥每五月八日相聚祭神歲遣重臣向其先世所居之窟致祭

扶桑蠶

梁四公記扶桑之蠶長七尺圍七寸色如金四時不死五月八日嘔黃絲布於條枝而不爲繭脆如

縑燒扶桑木灰汁煮之其絲堅韌四絲爲繫足勝一鈞

分日執筆

事物紀原貞元五年五月八日宰相直政事分日一人執筆迄今爲故事曰當筆

左藏庫

事物紀原咸平三年五月八日以贊善石熙政爲西京左藏庫副使

初九日

撰西域圖志

唐會要顯慶三年五月九日以西域平遣使分往康居國吐火羅國訪風俗物產及古今

廢置畫圖以進令
史官撰西域圖志

頒新樂

玉海大觀元年五月九日甲午
詔令大晟府頒新樂於天下

真君井

南昌府志奉新縣西文明坊昭德觀西晉邑人劉
真君故宅也觀中舊有真君井元豐七年蘇軾過

此題云五月九日寓新吳同縣令李志
中謁劉真君祠酌丹泉飲之卽此井也

初十日

麗禾石

方輿勝覽南豐縣有麗禾石紹興四年五月十日
風雨晝合雷震石上拆裂成大字縱橫交互不可

識乃鏤板傳觀有道人辨之曰此介嘉黍稷字
也旣得其譯競熟視之果然白是郡境屢豐

雙玉生

道書李珣字雙玉以五月十日生後得
黃房公金丹之道改名棲真號太虛

十一日